

# 49. Crawsz, Seu Naoz An Rak

How to choose a good husband or a good wife





## 49. Crawsz, Seu Naaoz An Rak

How to choose a good husband or a good wife

Ihz taemz: Aaiz Longz

Ihz caet: Cumz Lik Reu Yaang

Ihz taemz raang: Thein Tun Oo

Mony: Reu Yaang

Laehz: 2 laehz

Seu ngihz: 02/2020

Riang

Myanmar



<http://creativecommons.org/licenses/by/4.0/>

You are free to make commercial use of this work. You may adapt and add to this work. You must keep the copyright and credits for authors, illustrators, etc.

Author: Aaiz Longz

Editor: Riang Language Committee

Illustrator: Thein Tun Oo

Language: Riang

Edition: 2nd edition


Date: 02/2020



Meuz diz, maang ihz tahz yah keu aarz,  
kaar maang kuanz keur meh hawkz boh  
kuanz keun yah hawkz. Mus kaar daz,  
Teu Muz boh I Uz.

Kaar wa penz crawsz, penz seu naaoz,  
wa rak seum tae na kaang. An naeh paz  
keuh kaw lao kuanz keur meh daehz.

“Beuk mih dawhz yah, seu tih yawt meuz  
keuh cih mak prit nukz. Beuk keuh, teuk  
nac nam se, siz liz, siz theungz tae,  
phawmz keuh nam se, raai, beuk daehz  
mony meuz keuh deungz seu tuhz kaaiz,  
siz kai talz laak, ” daz kuanz daehz nahz.



Beuk teuk nac theungz baaiz kaw tae na  
kaang nam penz, theungz baaiz nam  
treupz ihz, daz kuanz daehz nahz. Beuk  
teuk nac nimz nimz tae, tae na kaang  
kaw penz. Kuanz hnhz kaw cih tawiz  
ceun paz daehz lao ne.

Hnhz lan khiangz yawt keun nyah da,  
naeh keuh keu waiz, an hawkz diz teuk  
nac kaw nam se, siz liz, siz lawiz. Pheu  
hnhz leh lan mawn tahz, samz naeh  
mawn ceun diz da, kaang kaw nam weng,  
beuk tahz hnhz mony kaw ca.

Thaengz hawkz samz theungz baaiz, wa rak peun lan, ihz upz naehz kaw eu, ihz daz naehz kaw yum lan hacz, beuk naeh ceun diz kaw nam penz kaang. Thaengz hawkz samz teuk nac nimz nimz, hnhz kaw leh keun nyah an diz da, tae na kaang kaw penz rak mawn.



Mah keuh samz sawnz thaengz I Uz.  
“Beuk mih leh tahz, ngaz tae na kaang, mih yawt keur meh, yawt meuz keuh teuk ngarz traz. Beuk keuh seum ceuk, khahz nyao ihz, cukz ihz tae nam se, beuk

hnhz teuk ngarz nimz, ihz maanyz kaw  
tawpz bawnz tae, tae na kaang kaw se,"  
daz kuanz daehz nahz.

Kamz diz ihz samz raenz pawiz da,  
maang tang ihz rawz traz, seu naaoz keu  
diz samz lan teuk ngarz. Teur ka kaw  
seum ceuk, teur ka kaw khahz cukz ihz,  
naeh hawkz samz teuk ngarz rak baaiz.  
Pheu I Uz lan khiangz, seu naaoz keu diz  
kaw naeh mawn ceun mah keuh lao ne,  
hnhz kaw leh an teuk ngarz nimz ne,  
penz lan na kaang an rak.





